



Broj: 16-12-16-7268- 9 /19
I. Sarajevo, 22.10. 2019. godine

Na osnovu člana 8. stav (2) tačka h) Zakona o Državnoj agenciji za istrage i zaštitu („Službeni glasnik BiH“, br. 27/04, 63/04, 35/05, 49/09 i 40/12), člana 70. st. (1), (2), (3) i (6) Zakona o javnim nabavkama („Službeni glasnik BiH“, broj 39/14), na preporuku Komisije I za provođenje postupka nabavke za potrebe Državne agencije za istrage i zaštitu u 2019. godini broj 16-12-16-7268/19 od 21.10.2019. godine, u postupku javne nabavke usluga održavanja i podrške OWIS dokument menadžment sistema Državne agencije za istrage i zaštitu, direktor Državne agencije za istrage i zaštitu, d o n o s i

ODLUKU

o izboru najpovoljnijeg ponuđača za dostavljanje ponuda za javnu nabavku usluga održavanja i podrške OWIS dokument menadžment sistema Državne agencije za istrage i zaštitu

Član 1.

U postupku javne nabavke usluga održavanja i podrške OWIS dokument menadžment sistema Državne agencije za istrage i zaštitu (daljem tekstu: Agencija), putem Konkurentskog zahtjeva za dostavljanje ponuda, na preporuku Komisije I za provođenje postupka nabavke za potrebe Državne agencije za istrage i zaštitu u 2019. godini broj 16-12-16-7268/19 od 21.10.2019. godine, okvirni sporazum za period od 12 mjeseci dodjeljuje se ponuđaču „ORKA“ d.o.o. Sarajevo, ponuda broj 16-12-16-7268-7/19 od 18.10.2019. godine, za ponuđenu cijenu 17.100,00 KM bez uračunatog PDV-a.

Član 2.

(1) Ponuđač „ORKA“ d.o.o. Sarajevo obavezan je ugovornom organu dostaviti važeću Industrijsku sigurnosnu dozvolu stepena „POVJERLJIVO“ iz tačke 3.1.4. Konkurentskog zahtjeva.

(2) Dokaz iz stava (1) ovog člana (orginal ili ovjerena fotokopija) ponuđač je obavezan dostaviti ugovornom organu prilikom potpisivanja okvirnog sporazuma.

Član 3.

Ova odluka se dostavlja ponuđaču u roku od tri dana, a najkasnije u roku od sedam dana od dana donošenja Odluke, uz istovremeno objavljivanje na internetskoj stranici Agencije.

Član 4.

Za izvršenje ove odluke zadužuje se Sektor za materijalno-finansijske poslove Agencije.

Član 5.

Ova odluka stupa na snagu danom donošenja.

O b r a z l o ž e n j e

Odlukom direktora Agencije broj 16-11-16-7268-1/19 od 01.10.2019. godine, pokrenut je postupak javne nabavke usluga održavanja i podrške OWIS dokument menadžment sistema Agencije, procijenjene vrijednosti 17.100,00 KM bez uračunatog PDV-a, na period od 12 mjeseci, putem Konkurentskog zahtjeva, za koji je obavještenje o javnoj nabavci broj 1161-7-2-301-3-53/19 objavljeno na Portalu Agencije za javne nabavke 09.10.2019. godine. Novčana sredstva za realizaciju navedene nabavke obezbijedena su u okviru budžetskih sredstava za 2019. godinu, a na osnovu Odluke o privremenom finansiranju institucija Bosne i Hercegovine i međunarodnih obaveza Bosne i Hercegovine za period juli-septembar 2019. godine („Službeni glasnik BiH“, broj 52/19). Za navedeni postupak javne nabavke predviđena je e-aukcija, u skladu sa odredbama Pravilnika o uslovima i načinu korištenja e-aukcije („Službeni glasnik BiH“, broj 66/16) (u daljem tekstu: Pravilnik).

Komisija I za nabavke za potrebe Državne agencije za istrage i zaštitu u 2019. godini (u daljem tekstu: Komisija), dostavila je Izvještaj o radu broj 16-12-16-7268/19 od 21.10.2019. godine, sa preporukom o izboru najpovoljnijeg ponuđača u postupku javne nabavke usluga održavanja i podrške OWIS dokument menadžment sistema Agencije.

Obzirom da je tačkom 6.1. Konkurentskog zahtjeva navedeno da je rok za dostavljanje ponuda 18.10.2019. godine do 13,00 sati, te da se ponude dostavljaju u zatvorenoj koverti, Komisija je dana 18.10.2019. godine u 14,00 sati izvršila javno otvaranje ponude.

Blagovremeno je dostavljena jedna ponuda i to:

Redni broj	Naziv ponuđača	Vrijednost ponude (bez PDV-a)
1.	„ORKA“ d.o.o. Sarajevo	17.100,00 KM

Komisija je nakon otvaranja ponude u smislu člana 63. st. (5) i (6) Zakona o javnim nabavkama („Službeni glasnik“, broj 39/14) (u daljem tekstu: Zakon), sačinila Zapisnik o otvaranju ponude i isti u roku od tri dana, od dana otvaranja, dostavila ponuđaču. Postupak je dalje nastavljen u smislu pregledanja dokumentacije priložene uz ponudu, a u cilju ocjenjivanja ponuđača, te njegove kvalifikovanosti shodno uslovima navedenim u Konkurentskom zahtjevu.

Komisija je nakon uvida u sadržaj dostavljene ponude, utvrdila da ponuđač „ORKA“ d.o.o. Sarajevo ispunjava kvalifikacione uslove u pogledu njegove lične sposobnosti, sposobnosti obavljanja profesionalne djelatnosti, ekonomske i finansijske sposobnosti i tehničke i profesionalne sposobnosti, kao i formalno-pravne uslove iz Konkurentskog zahtjeva. Komisija je utvrdila da je ponuđač „ORKA“ d.o.o. Sarajevo dostavio dokaz - Potvrdu Vanjskotrgovinske komore Bosne i Hercegovine broj 05-05-03-27-4096/19 od 11.10.2019. godine o preferencijalnom tretmanu domaćeg.

Obzirom da je za postupak javne nabavke usluga održavanja i podrške OWIS dokument menadžment sistema Agencije, Konkurentskim zahtjevom predviđeno provođenje e-aukcije u skladu sa Pravilnikom, da je za predmetni postupak dostavljena jedna prihvatljiva ponuda, Komisija u smislu člana 3. stav (3) Pravilnika nije zakazivala provođenje e-aukcije, nego je postupak okončala u skladu sa odredbom člana 69. Zakona, primjenjujući kriterij najniže cijene tehnički zadovoljavajuće ponude iz tačke 9.1. Konkurentskog zahtjeva i sačinila rang listu ocijenjene ponude, kako slijedi

Redni broj	Naziv ponuđača	Vrijednost ponude (bez PDV-a)
1.	„ORKA“ d.o.o. Sarajevo	17.100,00 KM

Nakon provedenog postupka ocjenjivanja dostavljene ponude, Komisija je utvrdila da je ponuda ponuđača „ORKA“ d.o.o. Sarajevo ocijenjena kao najpovoljnija ponuda, da ista ne premašuje procijenjenu vrijednost javne nabavke, te da podliježe primjeni preferencijalnog tretmana domaćeg,

Cijeneći naprijed navedeno, prihvaćena je preporuka iz Izvještaja o radu Komisije i odlučeno da se okvirni sporazum na period od 12 mjeseci u postupku javne nabavke usluga održavanja i podrške OWIS dokument menadžment sistema Agencije dodijeli ponuđaču „ORKA“ d.o.o. Sarajevo, kako je navedeno u članu 1. ove odluke.

Pouka o pravnom lijeku: Protiv ove odluke može se izjaviti žalba Uredu za razmatranje žalbi Bosne i Hercegovine, u roku od pet dana od dana dostavljanja iste. Žalba se podnosi putem Agencije.

Na izjavljenu žalbu ponuđač je obavezan platiti naknadu u skladu sa članom 108. Zakona o javnim nabavkama i podzakonskim aktima.

DOSTAVLJENO:

- Ponuđaču;
- Sektoru za mat.-fin. poslove;
- a/a.

DIREKTOR
GLAVNI GENERALNI INSPEKTOR POLICIJE

